

摘藻堂四庫全書薈要

史部

欽定四庫全書薈要

史部

御批歷代通鑑輯覽卷六十七




詳校官候補通政司經歷臣郭祚職

欽定四庫全書薈要卷七千五百二十

御批歷代通鑑輯覽卷六十七

五季

甲後唐同光二年是歲岐  
後唐凡四國四鎮

春正月岐王李茂貞遣使入

貢于唐

茂貞聞唐主入洛內不自安遣其子繼曠入貢上表  
稱臣唐主以其前朝耆舊特加優禮賜詔不名尋封  
為秦王

唐復以宦官為內諸司使及諸道監軍

內諸司使自天祐以來以士人代之至是復用宦者  
浸干政事既而復置諸道監軍陵忽主帥怙勢爭權  
由是藩鎮皆憤怒

唐太后至洛陽

唐主遣存渥

唐主之弟

繼岌迎太后太妃于晉陽太妃曰

陵廟在此若相與俱行歲時何人奉祀遂留不來太  
后至洛陽

二月唐主祀南郊大赦

唐主將祀南郊郭崇韜獻勞軍錢十萬緡

崇韜素廉入洛後頗

受四方賂遺所親諫之崇韜曰吾祿賜巨萬豈藉外財但以河南藩鎮皆謂梁之舊臣主上之深讐也拒其意能無懼乎吾特為國家藏之私室耳及有事南郊乃悉出所藏以佐賞給先是宦官勸

唐主分天下財賦為內外府州縣上供者入外府充經費方鎮貢獻者入內府充賜宴于是外府常虛竭無餘而內府山積及有司辦郊祀乏勞軍錢崇韜言于唐主曰臣已傾家所有以助大禮願陛下亦出內

府之財賜有司唐主默然久之曰晉陽自有儲積可令租庸輦取于是軍士皆不滿望始怨恨有離心矣

孔謙欲聚斂以求媚凡赦文所蠲者謙復微之自是每有詔令人皆不信百姓愁怨

唐立夫人劉氏

魏州安成人

為皇后

先是唐主欲以劉夫人為皇后而有正妃韓夫人在

唐主正室曰衛國夫人韓氏次曰燕國夫人伊氏又次魏國夫人劉氏

太后素惡劉夫

人郭崇韜亦屢諫唐主以是不果會崇韜為嬖倖勲

舊所嫉

崇韜位兼將相權侔人主嬖倖僥求多所推抑又自附汾陽王子儀之派以膏梁自處甄

別流品引拔浮華鄙棄黜舊由是  
嬰偉疾之于內黜舊怨之于外

崇韜鬱鬱不得志

與所親謀赴本鎮以避之所親以為不可因說崇韜  
曰公若請立劉夫人為皇后上必喜內有皇后之助  
則伶宦輩不能為患矣崇韜從其言乃與宰相帥百

官共奏請立之

后生于寒微其父以醫卜為業后幼  
被掠得入宮性狡悍淫妬從唐主在

魏父聞其責詣魏上謁時后方與諸夫人爭寵以門  
地相高恥之怒曰妾去鄉時父不幸死亂兵妾哭而  
去今何物田舍翁敢至此命笞之宮門又專務蓄財  
薪蘇果茹皆販鬻之至是四方貢獻皆分為二一上  
天子一上中宮以是實貨山積惟用寫佛經施尼師  
而已是時皇太后誥皇后教與制勅交行于藩鎮奉

之如

二月蜀主宴近臣于怡雲亭

蜀主宴近臣酒酣君臣及宮人皆脫冠露髻喧譁自

恣知制誥李龜禎

京兆人

諫曰君臣沈湎不憂國政臣

恐啓北敵之謀不聽

唐封高季興為南平王

唐以李存賢

本姓王  
注見前

為廬龍節度使

李存審以不得預克汴之功感憤疾甚表求入覲許



屏除偽濫未始  
非銓司之職然  
其所爭特昭穆  
族姻則仍沿門  
第官人陋習初  
非澄清仕途正  
本之意且以南  
郊行事頗譏注

之初唐主嘗與李存賢手搏存賢不盡其技唐主曰  
汝能勝我當授藩鎮存賢乃仆唐主至是以存賢鎮  
幽州曰手搏之約吾不食言矣

### 唐詔銓司考覈偽濫

唐末喪亂縉紳之家或以誥敕鬻于族姻遂亂昭穆  
至有舅叔拜甥姪者選人偽濫者衆郭崇韜欲革其  
弊請令銓司精加考覈時南郊行事官

預執事之官

千二

百人注官者纔數十人塗毀告身者十之九選人或

官更何改號是  
選人之皆然因  
妄而革弊者之  
考歲光謬也

號哭道路或餒死逆旅

唐遣使按視諸陵

夏四月唐主加尊號

唐遣客省使李嚴如蜀

唐遣客省司李嚴使于蜀嚴盛稱唐主威德有混一  
天下之志且言朱氏篡竊諸侯曾無勤王者王宗儔  
請斬之蜀主不從宣徽使宋光葆言宜選將練兵屯  
戍邊鄙積糗糧治戰艦以待之蜀主乃以光葆為梓

州觀察使已而嚴還言于唐主曰王衍童騃荒縱不  
親政務斥遠故老昵比小人其臣諂諛專恣黷貨無  
厭賢愚易位刑賞紊亂大兵一臨瓦解土崩可翹足  
而待也唐主然之嚴之行也唐主令市宮中珍玩而蜀法禁錦綺珍奇不得入中國其粗惡者乃聽謂之入草物嚴還以聞唐主怒曰王衍寧免為入草人乎

### 唐秦王李茂貞死

遺奏以其子繼曠權知軍府事唐尋以為節度使  
五月唐以伶人陳俊儲德源為刺史

初胡柳之役伶人周匝為梁所得唐主每思之入汴之日匝謁見泣言臣所以得生皆梁教坊使陳俊內園使儲德源之力也願乞二州以報之唐主許之郭崇韜曰陛下所以共取天下者皆英豪忠勇之士今大功始就封賞未及一人而先以伶人為刺史恐失天下心以是不行踰年伶人屢以為言唐主謂崇韜曰吾已許周匝矣公言雖正然當為我屈意行之故有是命時親軍有百戰未得刺史者莫不憤歎

唐以曹義金為歸義節度使

時瓜沙與吐蕃雜居義金遣使間道入貢故命之唐

咸通十三年義金為歸義  
留後及是已五十四年

六月唐詔州鎮無得修城毀其守具

時潞州牙將楊立據城以叛故有是命

立初有寵于  
李繼韜繼韜

誅怛怛思亂會發安義兵戍涿州因聚  
謀據城自稱留後詔李嗣源等討之

已而李嗣源

等平潞州磔立并其黨唐主以潞州城池高深悉夷

之

右諫議大夫薛昭文上疏曰今諸道僭竊者尚多  
征伐之謀未可遽息又士卒久從征伐賞給未豐

城地乃衝民保  
障楊立之叛由  
于既懼思亂立  
非固有全城可  
據也莊宗以一  
張將之故夷及  
潞州且遷涿州  
鎮守具正所謂

宜加頒賚又河南諸軍皆梁之精銳恐借竊之國潛以厚利誘之宜加收撫又戶口流亡者宜寬徭薄賦以安集之又土木不急之役宜加裁省又擇隙地牧馬勿使踐京畿民田皆不從

秋八月唐以孔謙為租庸使

謙屢欲為租庸使終不獲

豆盧革判租庸謙言于郭崇韜曰首座相公事繁第

遠簿書留滯宜更圖之崇韜欲復用張憲謙彌失望乃言于革以與唐尹王正言為之正言昏懦謙利其易制故也已而謙又短正言于崇韜會正言亦以病不能治事于是謙厚賂伶官景

進進言于唐主乃以謙為租庸使孔循

即趙殷衡梁亡復其姓名

為副使謙自是重歛急徵以充唐主之欲民不聊生

賜號豐財膽國功臣

九月唐主獵于近郊

時唐主屢出遊獵傷民禾稼洛陽令何澤

廣州人

遮馬

諫曰陛下賦斂既急今稼穡將成復蹂踐之使吏何

以為理民何以為生臣願先賜死唐主慰遣之

既而唐主

復獵于伊闕命從官拜梁太祖墓涉歷山險連日不止或夜合圍士卒墜崖谷死傷甚衆

冬十月蜀以宦官王承休為龍武指揮使

承休請擇諸軍驍勇者置龍武軍給賜優異以承休

北宗籍始終為唐之名能滅宋梁乃方欲戮梁旋命拜梁顛倒無據若欲據其能者尚何足觀其後乎

為都指揮使裨將安重霸

雲州人

以狡佞賄賂事承休

承休悅之以為己副舊將莫不憤恥已而蜀主復以

承休為天雄

此秦州之天雄軍也

節度使

唐僖昭之世宦官雖盛未有建節者承休

言于蜀主曰秦州多美婦人請為陛下采擇以獻故有是命

吳越入貢于唐

吳越王鏐復修職貢于唐唐因梁官爵而命之鏐厚

貢獻並賂權要求金印玉冊有司言故事惟天子用

王王公皆用竹唐主曲從之



吳王如白沙

鎮名在揚州府儀徵縣南

吳王如白沙觀樓船更命曰迎鑾鎮徐溫來朝先是溫以親吏翟虔為閤門使使察王起居防制甚急至是王對溫名雨為水溫請其故王曰翟虔父名吾諱之熟矣因以虔無禮告溫頓首謝請斬之王曰遠徙可也乃徙撫州

注見前

十二月蜀復以張格同平章事

初格罷相坐貶

蜀主衍初立格以附唐文宗貶維州司戶

中書吏王魯柔

乘危窘之及再為相杖殺之許寂

時亦為蜀相

謂人曰張

公才高而識淺殺一魯柔他人誰敢自保此取禍之端也

契丹侵蔚州唐遣李嗣源禦之

先是契丹就唐求幽州以處盧文進不許遂侵幽州至是復寇蔚州唐主詔李嗣源將兵禦之

唐主及后如河南尹張全義第

全義大陳貢獻酒酣皇后奏妾幼失父母請父事全

義唐主許之全義惶恐固辭彊之竟受后拜復貢獻

謝恩明日后命翰林學士趙鳳

幽州人

草書謝全義鳳

奏自古無天下之母拜人臣為父者唐主嘉其直然  
卒行之

乙後唐同光三年蜀咸康元年漢  
高白龍元年是歲凡四國四鎮

春正月唐主如興唐

唐主至興唐以義武節度使王都將入朝欲闊毬場

副留守張憲曰比以行宮闕廷為毬場場有陛下即

位壇不可毀請更闢場于宮西數日未成唐主命毀

莊宗為晉王時  
身親行陣艱險  
備嘗及基業甫  
定即縱意肆志

頤改前徽毀壞  
之學豈惟待本  
不祥蓋侈心既  
萌無復知有敬  
畏宜其忽焉而  
亡之

即位壇憲謂郭崇韜曰此壇主上受命之地若之何  
毀之崇韜從容言之唐主立命兩虞候毀之憲私謂  
崇韜曰忘天背本不詳莫大焉

二月唐以李嗣源為成德節度使

唐主以契丹為憂與郭崇韜謀以宿將零落殆盡欲  
徙嗣源鎮真定崇韜深以為便時崇韜領真定唐主  
欲徙崇韜汴州崇韜辭曰臣富貴極矣何必更領藩  
方且羣臣或經百戰所得不過一州臣無汗馬之勞

致位至此常不自安今因委任勲賢使臣得解麾節  
乃大願也且汴州衝要富繁臣既不至治所徙令他  
人攝職何異空城非所以固國基也唐主曰卿為朕  
畫策保固河津直超大梁成朕帝業豈百戰之功可  
比乎崇韜固辭乃許之

漢遣使如唐

漢主聞唐滅梁而懼遣宮苑使何詞入貢且覘疆弱  
詞還言唐主驕淫無政不足畏也漢主大悅遂不復

通

三月唐黜李從珂為突騎指揮使

唐主性剛好勝不欲權在臣下信伶官之讒頗疎忌宿將李嗣源家在太原表從珂為北京內牙指揮使

以便其家唐主怒黜從珂為突騎指揮使帥數百人

成石門鎮

胡三省注即唐之橫水冊

嗣源憂恐求朝不許郭崇韜

亦忌之私謂人曰總管令公

嗣源謂藩漢馬步總管

非久為人

下者皇家子弟皆不及也密勸唐主罷其兵權因而

崇韜爾時深為  
莊宗倚任陳謀  
定策多見信從  
使是處嗣源之  
終為國患則杜  
漸防微應石刊

切之論而徒以  
私忌後言帖  
皇忠正腹心之  
臣所宜為哉

除之不從

唐遣使采民女入後宮

唐宦者欲增廣嬪御詐言宮中夜見鬼物因言咸通  
乾符時六宮不減萬人今掖庭空虛故鬼物避之耳  
唐主乃命宦者王充平伶人景進采擇民女千餘  
人以充後庭

夏四月癸亥朔日食

大旱

初五臺僧誠惠自言能降伏天龍命風召雨唐主親帥后妃拜之誠惠安坐不起羣臣莫敢不拜獨郭崇韜不拜會大旱迎至洛陽使祈雨數旬不雨或謂誠惠官以師祈雨無驗將焚之誠惠逃去慚懼而死

五月唐太妃劉氏卒

太后自與太妃別常忽忽不樂太妃亦邑邑成疾太后欲自徃省之唐主以天暑道遠苦諫久之乃止及薨太后悲哀不食者累日自是得疾



六月雨

春夏大旱至是始雨遂連雨七十五日始霽百川皆溢

唐主作清暑樓

唐主苦溽暑宦者因言長安全盛時宮中樓觀以百數今日官家曾無避暑之所唐主乃命王允平別建一樓宦者曰郭崇韜常不伸眉為孔譙論用度不足恐陛下雖欲營繕終不可得唐主曰吾自用內府錢

無闕經費然猶慮郭崇韜諫遣中使語之曰今歲盛

暑異常朕昔在河上行營卑濕被甲乘馬親當矢石

猶無此暑今居深宮之中而暑不可度奈何對曰陛

下昔在河上勅敵未滅深念讐恥雖有盛暑不介聖

懷今外患已除海內賓服故雖珍臺閑館猶覺鬱蒸

也陛下倘不忘艱難之時則暑氣自消矣唐主默然

宦者曰崇韜之第無異皇居宜其不知至尊之熱也

唐主卒命允平營樓日役萬人所費巨萬崇韜諫曰

今河南水旱軍食不充願且息役以俟豐年不聽

秋七月唐太后曹氏殂

唐主哀毀五日方食

八月唐主殺其河南令羅貫

貫性彊直為郭崇韜所知用為河南令為政不避權

豪伶宦請托一不報皆以示崇韜崇韜奏之由是伶

宦切齒張全義亦惡之遣婢訴于劉后后與伶宦共

毀之唐主含怒未發會往祀坤陵

唐主以中書門下  
言作坤陵于壽安

莫曹太后 壽安隋縣  
故城在河南府宜陽縣

道寧橋壞怒下貫獄明日傳

詔殺之崇韜諫曰貫法不至死唐主怒曰太后靈駕  
將發天子朝夕往來橋道不修卿言無罪是黨也崇  
韜曰陛下以萬乘之尊怒一縣令使天下謂陛下用  
法不平臣之罪也唐主曰既公所愛任公裁之拂衣  
起入宮崇韜隨之論奏不已唐主自闔殿門崇韜不  
得入貫竟死暴屍府門遠近寃之

九月唐遣魏王繼岌及郭崇韜將兵伐蜀

崇韜以舊恩薦  
知祥卒使全蜀  
歸于孟氏人臣  
挾私病國國勢  
所必至不得以  
苟非意料其變

唐主與宰相議伐蜀李紹欽素諂事宣徽使李紹宏  
紹宏薦紹欽有奇才可大任郭崇韜曰段凝亡國之  
將姦諂絕倫不可信也衆舉李嗣源崇韜曰契丹方  
熾總管不可離河朔魏王地當儲嗣未立殊功請以  
為都統成其威名帝曰兒幼豈能獨往當求其副既  
而曰無以易卿乃以繼岌充西川行營都統崇韜充  
都招討置制等使軍事悉以委之將兵六萬伐蜀仍  
詔工部尚書任圜翰林學士李愚並參預軍機崇韜

以孟知祥有薦引舊恩將行言于上曰知祥信厚有謀可為西川帥又薦張憲謹重有識可為相

冬十月蜀主東遊

安重霸勸王承休請蜀主東遊秦川毀府署作行宮  
彊取民間女子教歌舞圖形以遺韓昭蜀主將行羣  
臣諫皆不聽太后涕泣不食止之亦不能得前秦州  
節度判官蒲禹卿上表極諫幾二千言韓昭謂曰吾  
收汝表俟主上西歸當使獄吏字字問汝承休妻美

蜀主私焉故銳意欲行十月引兵數萬發成都武興  
節度使王承捷告唐兵西上蜀主不信大言曰吾方  
欲耀武遂行在道賦詩初不為意

十一月唐師滅蜀蜀主王衍降

前蜀自王建據城都至  
衍亡凡二主合三十五

年

郭崇韜入散關饋運將竭諸將皆言蜀地險固未可  
長驅崇韜以問李愚愚曰蜀人苦其主荒淫莫為之  
用宜乘其人情崩離風驅霆擊彼皆落膽雖有險阻

誰與守之兵勢不可緩也崇韜倍道而進先是李紹

琛

即康延孝

攻蜀威武城

在漢中府鳳縣東北

降之縱其敗卒萬餘

人逃去因趣鳳州李嚴飛書以諭王承捷至是承捷

以鳳興文扶四州印節迎降

得兵八千糧四十萬斛

蜀主至利

州遇威武敗卒始信唐兵之來乃以王宗訓王宗儼  
王宗昱為三招討將兵三萬逆戰紹琛等自興州與

蜀三討招戰于三泉

唐縣故城在漢中府寧羌州

大敗之斬首五

千級餘皆奔潰蜀主聞宗勲等敗倍道西走斷桔柏



津

即枯柏渡在保寧府昭化縣北嘉陵白水二江合流處

浮梁命王宗弼守利

州李紹琛晝夜兼行趣之宗光祿遣郭崇韜書請兵

不入境當舉巡屬內附苟不如約則背城決戰崇韜

納之繼岌至興州光祿及諸城鎮皆望風款附

王承休與

安重霸謀按唐軍重霸曰擊之不勝則大事去矣然

公受國恩間難不可不赴願與國俱西承休以為然

使以兵從將行重霸拜于馬前曰若從開府還朝誰

當守此開府行矣重霸請為公守之承休無如之何

遂行重霸遂

以秦隴降唐宗韜遺王宗弼等書為陳利害宗弼棄

利州歸三招討追及之相持而泣遂合謀送款于唐

蜀主至成都百官及後宮出迎蜀主入嬪妃中作回  
鶻隊入宮數日宗弼亦至登太元門嚴兵自備劫遷  
蜀主及太后後宮諸王于西宮收其璽綬及內庫金

帛歸其家自稱西川兵馬留後

宗弼之棄利州也李紹琛至乃修桔柏浮

梁進至綿州綿江浮梁已斷水深無舟楫紹琛謂李  
嚴曰吾懸軍深入利在速戰但得百騎過虎頭關彼  
且迎降不暇若修繕橋梁必留數日或教王衍堅閉  
近關則勝負未可知矣乃與嚴乘馬浮渡江從兵得  
濟者僅千人溺死者亦千餘人遂入虎頭關據漢州  
綿江今曰綿陽河出綿竹縣西北下流至漢州入

江 宗弼遣使勞軍且以蜀主書遺李嚴曰公來吾即

親離已非一日  
李嚴伐蜀之策  
不獨機有可乘  
亦且陸民水火  
觀其入蜀馳諭  
人心帖然蜀中  
情勢固可豫見  
勸其避怨肅往  
者直不違事理  
耳迨後西川郡  
監之請知祥萬  
蓄志保眾無隙  
可乘重以仕國  
之橫征眾皆疑  
怨嚴因遇害論  
者并其前事而

降或謂嚴公首建伐蜀之策蜀人怨公深入骨髓不

可往嚴不從欣然馳入成都撫諭吏民告以大軍繼

至悉命撤去樓櫓蜀主命翰林學士李昊

字亨佐自言唐宰相

紳之後草降表又命平章事王鎔草降書遣兵部侍郎

歐陽彬

字齊美  
衛山人

奉之以迎繼友崇韜

宗弼新宋光嗣  
景閑晉李司略

歐陽晃函首送繼友又責繼友至成都李嚴引蜀主  
韓昭佞諛系于金馬坊門

及百官儀衛出降蜀主白衣首經銜壁牽羊百官衰

經徒跣與櫬號哭俟命繼友受壁崇韜解縛焚櫬承

非之且譏其樂禍竿牒殊率平恕不可為蜀事定評也

制釋罪君臣東北向拜謝大軍入成都崇韜禁侵掠市不改肆自出師至是凡七十日得節度十州六十四縣二百四十九兵三萬鎧仗錢糧金銀綢帛共以千萬計

高季興聞蜀亡方食失匕箸曰是老夫之過也梁震曰不足憂也唐主得蜀益驕亡無日

矣安知其不為吾福楚王殷上表願上印綬以保餘齡優詔諭之

十二月唐以董璋為東川節度使

平蜀之功李紹琛為多位董璋上而璋素與郭崇韜善崇韜數與議軍事紹琛心不平謂曰吾本自有平

蜀之功公等樸櫟

璋小材也

相從反咕囁

細語也

于郭

公之門謀為傾害吾為都將獨不能以軍法斬公邪

璋訓于崇韜十二月崇韜表璋東川節度使解其軍

職

使不屬紹琛

紹琛愈怒曰吾冒白刃陵險阻定兩川璋

乃坐有之邪乃見崇韜言東川重地任尚書有文武

才宜表為帥崇韜怒曰紹琛反邪何敢違吾節度紹

琛懼而退

蜀王宗弼王承休伏誅

先是宗弼以蜀主之後宮珍寶賂魏王繼岌及郭崇  
韜求為西川節度使繼岌曰此皆我家物奚以獻為  
留其物而遣之已而宗弼復遣崇韜求之崇韜陽許  
之久而未得宗弼乃帥蜀人列狀請留崇韜鎮蜀時  
宦者李從襲從繼岌在軍

唐主所遣

以崇韜專制軍事心

多不平

繼岌雖為都統軍中制置一由崇韜將吏賓客趨走盈庭而都統牙門索然從襲等同恥

之及破蜀蜀貴人大將爭以寶貨妓樂遺崇韜及其  
子廷珪繼岌所得不過匹馬束帛唾壺塵柄而已從  
襲等益不平因言于繼岌曰郭公父子專橫今又使蜀人

請已為帥其志難測王不可不為之備繼岌謂崇韜  
曰主上倚侍中如山嶽豈肯棄之蠻夷之域且此非  
予之所敢知也請諸人詣闕自陳于是繼岌始疑崇  
韜崇韜因欲誅宗弼以自明乃徵犒軍錢數萬緡于  
宗弼宗弼斬之士卒怨怒夜縱火誼噪崇韜遂白繼  
岌收宗弼等數其不忠之罪族誅之蜀人爭食宗弼  
之肉承休等至繼岌亦斬之

閩王王審知卒子延翰

字子逸審知長子立

唐以孟知祥為西川節度使

唐以北都留守孟知祥為西川節度使議選代者樞密承旨段徊等惡鄴都留守張憲不欲其在朝廷皆曰憲雖有宰相器然宰相在天子目前事有得失可以改更北都獨繫一方安危其任尤重非憲不可乃徙憲為太原尹王正言為興唐尹以史彥瓊為鄴都監軍正言昏耄彥瓊本伶人有寵遂專六州之政威福自恣陵忽將佐正言以下皆諂事之



唐主獵于白沙

此洛陽之白沙也  
在伊闕山旁

是歲大饑民多流亡租賦不充軍士乏食有雇妻鬻  
子者老弱餒死流言怨嗟而唐主遊畋不息獵于白  
沙後宮畢從六日而還會大雪吏卒有僵仆者伊汝  
間饑尤甚衛兵所過責其供餉不得則壞其什器撤  
其室廬甚于寇盜

漢白龍見

漢主改元白龍更名曰龔以應龍見之祥有胡僧言

讖書滅劉氏者龔也乃採易飛龍在天之義為龔字音儼以名焉

長和求昏于漢

長和驃信鄭旻求昏于漢漢主以其增城公主妻之

長和即唐之南詔也

滇載記唐光化中鄭買嗣滅蒙氏改國號曰大長和

閏月唐詔罷折納

折較帛之數而以錢納官 紐配 紐合其數而科配之 法

唐主以軍儲不足謀于羣臣吏部尚書李琪上疏曰古者量入以為出計農而發兵故雖有水旱之災而

無空乏之憂近代稅農以養兵未有農富給而兵不足農捐瘠而兵豐飽者也今縱未能蠲省租稅苟除折納紐配之法農亦可以小休矣唐主即敕有司從之然竟不能行

唐主又欲如汴州諫官上言不如節儉以足用自古無就食天子今陽氏

未減不宜示以虛實乃止

唐遣宦者馬彥珪使蜀軍

時蜀中盜賊羣起崇韜恐大軍既去更為後患命任圜張筠分道招討以是未即還唐主遣宦者向延嗣

促之崇韜待之倨延嗣怒李從襲因謂曰郭公專權

如是廷誨日與軍中驍將蜀土豪傑狎飲指天畫地  
近聞白其父請表已為蜀帥諸將皆郭氏之黨王寄  
身于虎狼之口一朝有變吾屬不知委骨何地矣因  
相向垂涕延嗣歸具以語劉后后泣訴于唐主請早  
救繼岌前此唐主聞蜀人請崇韜為帥已不平至是  
不能無疑閱蜀府庫之籍曰人言蜀中珍寶無算何  
如是之微也延嗣曰蜀珍貨皆入崇韜父子故縣官

所得不多耳唐主遂怒遣宦官馬彥珪馳詣成都曰  
崇韜奉詔班師則已若有遷延跋扈之狀則與繼岌  
圖之彥珪見劉后說之曰蜀中事勢憂在旦夕安能  
緩急稟命于三千里外乎后復言之唐主曰傳聞之  
言未知虛實豈可遽爾后不得請退自為教與繼岌  
令殺崇韜崇韜素疾宦者及平蜀密謂繼岌曰師旋  
王必為太子他日得天下驃馬亦不可棄

況任宦官宜盡去之專用士人宦官聞而切齒  
故韜構之驃馬扇馬也以喻宦者驃食陵反

楚鑄鉛鐵錢

楚王殷不征商旅由是四方商旅輻輳湖南地多鉛  
鐵殷用高郁策鑄鉛鐵錢商旅出境無所用之皆易  
他貨而去故能以境內所餘之物易天下百貨國以  
富饒湖南民不事桑蠶郁命民輸稅者皆以帛代錢  
未幾民間機杼大盛

丙後唐同光四年四月明宗李嗣源天成元年吳  
越寶正元年足歲男亡閏建國凡四國三鎮 春正

月唐獲國軍節度使李繼麟入朝

繼麟自恃與唐主故舊有功苦諸伶宦求丐無厭遂

崇韜之元不由  
王命繼岌實不  
能辭過至其不  
害官爵及族獨

拒不與大軍之征蜀也繼麟聞兵遣其子令德將之  
以從景進與宦官譖之曰繼麟聞大軍起以為討已  
故閱兵自衛又曰崇韜與河中陰謀內外相應繼麟  
聞之懼欲入朝以自明其所親止之繼麟曰郭侍中  
功高于我今事勢將危吾得見主上面陳至誠則讒  
人獲罪矣乃入朝

唐魏王繼岌殺郭崇韜

繼岌將發成都部署已定馬彥珪至以皇后教示繼

病其請立劉后  
起華謂以其輕  
犯近習二說皆  
不得其正崇禎  
立后之請因為  
可卻然不應責  
於此時若其不  
禮宦官更無可  
罪惟是繼炭却  
統之命崇禎實  
請之而佐以西  
行者雖軍事悉  
以委付乃於國  
儲統帥視之幾  
如僕宵小得乘  
間而搆其短則

炭繼炭曰彼無釁端安可為此且主上無敕獨以皇

后教殺詔討使可乎李從襲等泣相與巧陳利害繼

炭從之召崇禎計事從者李環撾碎其首並殺其子

廷誨廷信推官李崧

海州饒陽人

謂繼炭曰今行軍三千

里外初無敕旨擅殺大將大王奈何行此危事邪繼

炭曰公言是也悔之無及崧乃召書吏數人登樓去

梯矯為敕書用蠟印宣之軍中粗定崇禎左右皆竄

匿獨掌書記張礪

涇陽人

詣魏王府慟哭久之繼炭命



反楊寶有由矣  
且其在蜀也將  
吏奔走其門實  
略悉充其家  
權賄貨賈積  
尤而於宗弼之  
非分于求姑則  
幼且明以陽許  
繼乃滅其族以  
自明是則崇  
罪之大者雖殺  
不以正而死不  
為枉則書法交  
敗之也固宜

# 任圜代總軍政

唐殺其睦王存乂

唐主及李繼麟之弟

馬彥珪還洛陽唐主乃下詔暴郭崇韜之罪並殺其

諸子朝野駭惋保大節度使睦王存乂崇韜之壻也

宦官言存乂攘臂稱冤言辭怨望唐主殺之景進言

李繼麟與存乂通謀宦者因共勸速除之唐主乃使

朱守殷殺之復其姓名曰朱友謙

時諸軍饑窘妄為謠言伶官采之以

聞故崇韜友謙皆及于禍李嗣源入朝亦為謠言所屬唐主遣朱守殷察之守殷私謂嗣源曰今公勲業

欽定四庫全書

卷六十七

振主宜自國歸藩以遠禍嗣源曰吾心不負天地禍福之來無可避皆委之于命耳時伶官用事熟舊人不自保嗣源危殆者數四季紹宏左右營護以是得全

唐魏王繼岌發成都

先是孟知祥至成都時新殺郭崇韜人情未安知祥慰撫吏民犒賜將卒去留帖然至是繼岌留李仁罕

字德美  
潘仁嗣  
東光人  
趙廷隱  
太原人  
張業  
浚儀人  
武璋  
天水人

李延厚  
平恩人  
等戍成都而還

二月唐鄴都亂遣李紹榮招諭之

唐魏博指揮使楊仁晟將兵戍瓦橋踰年代歸唐以

鄴都空虛恐兵至為變敕留屯貝州時天下莫知鄆

崇韜之罪民間訛言皇后弑帝人情愈駭仁晟部兵

皇甫暉

魏州人

因人情不安遂作亂劫仁晟仁晟不從

暉殺之又劫小校不從又殺之効節指揮使趙在禮

字幹臣

聞亂而走暉追及示以二首在禮懼而從之

涿州人

亂兵遂奉以為帥焚掠貝州南趨臨清有向鄆部告

亂者都巡檢使孫鐸等亟詣史彥瓊請授甲乘城為

備彥瓊曰賊至為備未晚是夜賊前鋒攻北門彥瓊

兵潰單騎奔洛陽賊遂入鄴都在禮據宮城署皇甫

暉趙進

定州人

為指揮使縱兵大掠王正言方據案召

吏草奏其家人告之索馬不得乃步出府門謁在禮

再拜請罪在禮諭遣之衆擁在禮為留後張憲家在

鄴都在禮厚撫之遣使以書誘憲憲斬其使以聞唐

主乃命歸德節度使李紹榮詣鄴都招撫已而紹榮

至鄴都攻之不克

紹榮至鄴都攻其南門遣人以狀招諭之趙在禮拜于城上曰將士

思家擅歸相公誠善為教奏得免于難敢不自新史  
彦瓊戰手大罵曰羣元賊城破萬段皇甫暉謂衆曰  
觀史武德之言上不赦我矣因聚衆掠教書手壞之  
守陴拒戰紹榮攻之不利以狀聞唐主怒曰克城之  
日勿遺庶類大  
發諸軍討之

唐李紹琛反于蜀魏王繼岌使工部尚書任圜討擒之

郭崇韜之死也李紹琛謂董璋曰公復欲咕囁誰門

郭璋懼謝罪魏王繼岌至武連

西魏縣宋省故城在今保寧府劍州

遇

敕使諭令董璋將兵誅朱令德

友進子為武信節度使在遂州遂州注

見前時紹琛將後軍去中軍一舍聞之以唐主不見妄

大驚俄而璋過不謁紹琛怒謂諸將曰國家南取大  
梁西定巴蜀皆郭公之謀而吾之功也至于去逆効  
順與國家犄角以破梁則朱公也今朱郭皆無罪族  
滅歸朝之後行及我矣寃哉天乎奈何紹琛所將多  
河中兵河中將焦武等號哭于軍門曰西平王

友謙

何罪閤門屠膾我輩歸則同誅決不復東矣紹琛自  
劍州擁兵西還自稱西川節度使移檄成都招諭蜀  
人衆至五萬繼岌以任圜為副招討使討之時董璋

屯綿州以兵二萬會園追及紹琛于漢州紹琛迎戰

大敗以十餘騎奔綿竹遂擒之繼發乃引兵而東

紹琛

之被擒也孟知祥至漢州犒軍與任國董璋置酒高會引紹琛檻車至座中知祥自酌大卮飲之謂曰公何患不富貴而求入此邪紹琛曰郭侍中佐命功第一兵不血刃取西川一旦無罪族誅如紹琛輩安保首領以此不敢歸耳紹琛至鳳翔向延嗣以唐主命殺之

唐從馬直

唐主選諸軍驍勇者為親軍號從馬直

軍士作亂伏誅

從馬直指揮使郭從謙本優人也優名郭門高以德勝之役挑戰有功遂有寵積功至指揮使郭崇韜方

用事從譙以叔父事之又為睦王存义假子及二人  
得罪從譙數以私財饗諸校對之流涕言崇韜之冤  
至是軍士王溫等五人作亂擒斬之唐主戲謂從譙  
曰汝既負我附崇韜存义又教王溫反欲何為也從  
譙益懼既退陰謂諸校曰主上以王溫之故俟鄴都  
平定盡坑若曹家之所有宜盡市酒肉勿為久計也  
由是親軍皆不自安

唐遣李嗣源將親軍討鄴都



李紹榮再攻鄴都賊知不赦堅守無降意唐主患之  
日發中使促魏王繼岌還軍繼岌以討李紹琛未至  
紹榮久無功會刑州兵趙太等亦為亂據州未下滄  
州軍亂小校王景戡自為留後河朔州縣告亂者相  
繼唐主欲自征鄴都大臣皆言京師根本車駕不可  
輕動唐主曰諸將無可使者皆曰李嗣源最為勲舊  
唐主心思嗣源曰吾惜嗣源欲留宿衛皆曰他人無  
可者張全義李紹宏亦屢言之乃許之

三月唐討鄴兵剗李嗣源入鄴都

李嗣源至鄴都城西南下令詰旦攻城是夜從馬直  
軍士張破敗帥衆大譟焚營嗣源叱而問之對曰將  
士從主上十年百戰以得天下今貝州戍卒思歸主  
上不赦從馬直數卒誼競欲盡誅其衆我輩初無  
叛心但畏无耳今欲與城中合勢請主上帝河南令  
公帝河北嗣源涕泣諭之不從遂拔白刃擁嗣源及  
李紹真

即霍  
威

等入城城中不受外兵逆擊之皆潰趙

在禮帥諸校迎拜嗣源泣謝曰將士輩負令公敢不  
惟命是聽嗣源詭說在禮曰凡舉大事須借兵力今  
外兵流散無所歸我為公出收之在禮乃聽嗣源紹  
真俱出城宿魏縣散兵稍有至者

唐李嗣源奔相州

李嗣源之為亂兵所逼也李紹榮有衆萬人營于城  
南嗣源遣牙將七人相繼召之欲與共攻亂者紹榮  
不應及嗣源入鄴遂引兵去至是嗣源在魏縣衆不

滿百又無兵伏李紹真所將鎮兵五千聞嗣源得出

相帥歸之由是兵稍振嗣源欲歸藩待罪中門使安

重誨應州人曰公為元帥不幸為凶人所刦李紹榮不

戰而退歸朝必以公藉口公若歸藩則為據地要君

適足以實讒慝之口耳不若星行詣闕面見天子庶

可自明嗣源曰善南趣相州遇馬坊使康福蔚州人得

馬數千匹始得成軍

唐豫借河南夏秋稅

名賞以失士心  
及河陽汜水雖  
賞之而人不為  
用後唐之所以  
脩事也說者多  
以漢郡劉德公  
之藏惡誠不足  
齒而出納之衣  
則不得盡以歸  
啓寶者南郊勞  
軍駐蹕新之日  
以國家財賦使  
中官干預主持  
莊宗果何為者

唐主以軍食不足敕河南尹豫借夏秋稅民不聊生  
租庸使以倉儲不足脫刻軍糧軍士流言者益甚宰  
相懼帥百官上表請出內庫之財以給諸軍唐主欲  
從之劉后曰吾夫婦君臨萬國雖藉武功亦由天命  
命既在天人如我何宰相又于便殿論之后屬耳于  
屏風後須臾出粧具及三銀盆皇幼子三人于外曰  
四方貢獻隨以給賜所餘止此耳請鬻以贍軍宰相  
惶懼而退

唐李嗣源反引兵向大梁

歐陽修五代史唐莊宗記書李嗣源反綱目不書尹起莘

曰綱目于嗣源多恕辭亮其無利之心也歐陽氏書反明君臣之大義也今于嗣源入鄴依綱目書劫于引

兵向大梁依

歐陽史書反

李紹榮退保衛州奏李嗣源已叛與賊合嗣源遣使

上章自理一日數輦

唐主遣嗣源長子從審喻嗣源至衛州紹榮欲殺之從審乃還

唐主憐之賜名

嗣源所奏皆為紹榮所遏不得通嗣

繼環侍之如子

源由是疑懼石敬瑭曰夫事成于果決而敗于猶豫

安有上將與叛卒入賊城而他日得保無恙乎大梁

天下之要會也願假三百騎先往取之公引大軍亟

進如此始可自全康義誠

字信成代北三部落人

曰主人無道

軍民怨望公從衆則生守節必死嗣源乃令安重誨

移檄會兵時嗣源家在真定虞候將王建立

遼州榆社人

先殺其監軍由是獲全李從珂將所部兵趣鎮州與

建立合倍道從嗣源嗣源分三百騎遣石敬瑭將之

前驅李從珂為殿軍勢大盛唐主乃詔白從暉將騎

兵扼河陽橋出金帛給賜諸軍軍士詬曰吾妻子已

殍死得此何為李紹榮至洛陽曰鄴都亂兵欲濟河  
襲鄆汴願陛下幸關東

謂汜水關以東

招撫唐主從之

唐殺故蜀主王衍夷其族

景進等言于唐主曰西南未安王衍族黨不少聞車  
駕東征恐其為變不若除之唐乃遣中使齎敕往誅  
之敕曰王衍一行並從殺戮已印畫張居翰覆視就  
殿柱揩去行字改為家字由是獲免者千餘人衍母  
徐氏且死呼曰吾兒以一國迎降不免族誅信義俱



棄吾知汝行亦受禍矣

唐主如關東李嗣源入大梁唐主乃還

唐主發洛陽次汜水

或勸李繼環亡去不從唐主屢遣之繼環固辭死唐主開嗣

源在黎陽遣繼環召之遁遇李紹榮見殺

嗣源至滑州符習安審通

金全

之姪引兵來會知汴州孔循遣使迎唐主亦遣使輸款

于嗣源曰先至者得之石敬瑭以勁兵入封邱門遂

據其城使人趣嗣源嗣源入大梁是日唐主至滎澤

束命龍驤指揮使姚彥溫為三千騎為前軍彥溫即

以衆叛歸嗣源嗣源奪其兵唐主至萬勝鎮

在開封府中牟

縣東

聞嗣源已據大梁諸軍離叛神色沮喪登高歎曰

吾不濟矣即命旋師

夜即至汜水扈從兵二萬五千已失萬餘人還過嬰子谷道遇

衛士輒以善言撫之曰適報魏王又進西川金銀五

十萬到京當給爾曹封曰陛下賜已晚矣人亦不感

聖恩唐主涕泣而已又索袍帶賜從官內庫使張容

哥稱頒給已盡衛士叱之曰致吾君失社稷皆此閹

豎輩也拙刀逐之容哥謂同類曰皇后各財至此今

乃歸咎于吾輩事若不測吾輩萬段吾不忍待也因

赴河元

嬰子

唐主至石橋西置酒悲涕晚入洛城

谷在汜水縣西

嗣源命石敬瑭將前軍趨汜水收撫散兵嗣源繼之

李紹虔

即杜晏球

李紹英

本房知溫字伯玉瑕邱人

引兵來會宰相樞

密奏西軍將至車駕宜且控汜水收撫散兵以俟之

唐主從之

夏四月唐伶人郭從謙弑其主存勗李嗣源入洛陽

唐主欲復如汜水四月朔嚴辦將發從馬直指揮使

郭從謙帥所部兵攻興教門

洛陽皇城  
中左門

唐主方食聞

變帥衛兵擊之逐亂兵出門時朱守殷將騎兵在外

唐主急召之守殷不至引兵憩茂林下亂兵焚興教

門緣城而入近臣宿將皆釋甲潛遁獨散員都指揮

使李彥卿

字官侯存審之子

軍校何福進王全斌

皆太原人

等十

餘人力戰俄而唐主為流矢所中鷹坊人善友

善姓友名

扶至絳霄殿廡下抽矢渴憊劉后不自省視遣宦者

進酪須臾遂殂彥卿等痛哭而去左右皆散善友歛

樂器覆屍而焚之劉后囊金寶繫馬鞍與申王存渥

注見前

及李紹榮焚嘉慶殿出走朱守殷入宮選宮人

嗣源自從珂見  
默之後即心懷  
疑懼其意詭索  
恩義非一日失  
郭都之擁逼入  
城雖迫于不得

三十餘人內于其家于是諸軍大掠是日李嗣源至

已而事後之移  
檄令衆進據大  
梁果無利之之  
心抑至聖子谷  
間變慟哭特驚  
以飾其迹跡而  
慨歎于羣小蔽  
惑等度于吾將  
安歸則已肺肝  
如見且亂賊在  
側而不討魏王  
在外而不迎浸  
假而翦其宗支  
痛據神器非蒙  
而何其心既無  
可諒其罪亦無

嬰子谷謂諸將曰主上深得士心止為羣小蔽惑致  
此今吾將安歸乎乃入洛陽止于私第禁焚掠拾莊  
宗骨于灰燼之餘而殯之謂朱守殷曰吾善巡徼以  
待魏王淑妃德妃在宮供給尤宜豐備吾俟山陵畢  
社稷有奉則歸藩為國捍禦北方耳是日豆盧革帥  
百官上殿勸進嗣源曰吾奉招討賊不幸部曲叛散  
欲入朝自訴又為紹榮所隔披猖至此諸軍見推殊  
非相悉願勿言也魏王繼岌至興平聞亂復引兵西

可恕也

謀保鳳翔

唐太原軍亂

初莊宗命呂鄭二內養在晉陽張憲以下承應不暇

莊宗既殂推官張昭遠

字潛夫濮州范縣人

勸張憲奉表勸進

憲曰吾自布衣至服金紫皆出先帝之恩豈可偷生

而不自愧乎昭遠泣曰此古人所行公能行之忠義

不朽矣有李存沼者莊宗之近屬與二內養謀殺憲

及巡檢李彥超

彥超之兄

彥超欲先圖之憲曰僕受先帝

厚恩不忍為此徇義而不免于禍乃天也軍士共殺

二內養及存治憲奔忻州會嗣源移書至彥超號令

士卒城中始安

後嗣源即位有司劾  
憲失城之罪見殺

唐李嗣源監國

百官三牋請源源監國嗣源乃許之入居興聖宮百

官班見下令稱教

宣徽使選後宮美少者數百獻之  
監國曰奚用此為對曰宮中職掌

不可闕也監國曰宮中職掌宜諳故事此輩  
安知乃悉補用老舊之人其年少者皆出之

唐以安重誨為樞密使張延朗

汴州開封人為副使

延朗本梁祖庸吏性纖巧善事權要故重誨引之

唐監國嗣源殺劉后及諸王

監國令所在訪求諸王通王存確雅王存紀

俱大  
祖子匿

民間安重誨與李紹真謀曰今殿下既監國典喪諸王宜早為之所以一人心密遣人殺之後月餘監國聞之切責重誨傷惜久之劉后奔晉陽在道與存渥私通存渥為其下所殺劉后為尼于晉陽監國使人就殺之莊宗幼子繼嵩等皆不知所終惟邕王存美



太祖  
次子  
以病得免

高季興以孫光憲

字孟文  
陵州人

掌書記

徐溫高季興聞莊宗遇弒益重嚴可求梁震梁震薦  
孫光憲掌書記季興欲攻楚光憲諫曰荆南亂離之  
後賴公休息士民始有生意若又與楚國交惡他國  
乘吾之弊良可憂也季興乃止

唐監國嗣源殺李紹榮

先是紹榮將奔河中為人所執折其兩足送洛陽監

國責之曰吾何負于爾而殺吾兒紹榮瞋目直視曰  
先帝何負于爾遂斬之復其姓名曰元行欽

唐監國嗣源殺孔譙廢租庸使及諸道監軍

監國下教數租庸使孔譙姦佞刻窮困軍民之罪  
斬之凡譙所立苛歛之法皆罷之因廢租庸使依舊  
為三司委宰相一人專判又罷諸道監軍使以莊宗  
由宦官亡國命諸道盡殺之

唐魏王繼岌至長安自殺

魏王繼岌退至武功李從襲曰退不如進請亟東行

以救內難繼岌從之還至渭水留守張鉞已斷浮橋  
乃循水浮渡至渭南腹心呂知柔等皆已竄匿從襲  
謂繼岌曰時事已去王宜自圖繼岌徘徊流涕乃自  
伏于牀命僕夫李環縊殺之任圜代將而東華州都  
監李冲殺從襲

### 唐主嗣源立

有司議即位禮李紹真孔循以為唐運已盡宜自建

孔循以人奴得  
與方州其受莊

宗恩遇不薄乃  
開詞源初版即  
首風雨端望風  
翰致至是并欲  
改其國號忘情  
故主若此豈互  
犬馬之不如哉  
其後安重誨以  
親隄兄紹尤為  
小人常技不知  
有君何恤於友  
更不足責矣

國號監國問左右何謂國號對曰先帝賜姓于唐為

唐復讐故稱唐今梁朝之人不欲殿下稱唐耳監國

曰吾年十三事獻祖

莊宗尊其祖  
國昌為獻祖

獻祖以吾宗屬視

吾猶子又事武皇先帝垂五十年經綸攻戰未嘗不

預武皇之基業則吾之基業也先帝之天下則吾之

天下也安有同家而異國乎李琪曰若改國號則先

帝遂為路人梓宮安所托乎不惟殿下忘三世舊君

吾曹為人臣者又能自安乎前代以旁支入繼多矣

宜用嗣子柩前即位之禮衆從之監國服斬衰于柩前即位百官縞素既而御衮冕受冊百官吉服稱賀

唐大赦

唐主大赦量留後宮百人宦官三十人教坊百人鷹坊二十人御厨五十人中外毋得獻鷹犬奇玩諸司使務有名無實者皆廢之分遣諸軍就食近畿以省饋運除夏秋稅省耗諸侯四節貢奉毋得歛百姓刺史以下不得貢奉

唐以鄭珣任國同平章事

國憂公如家簡拔賢俊杜絕僥倖期年之間軍民皆足朝綱粗立國每以天下為己任由是安重誨忌之唐李紹真等復姓名

李紹真李紹瓊李紹英李紹虔李紹奇李紹能各復舊姓名為霍彥威從簡

陳州人

房知溫王晏球夏魯

奇米君立晏球本王氏子

注見前

故請復姓王

唐以趙在禮為義成節度使

在禮請唐主辛鄴都唐主從在禮義成節度使辭以  
軍情未聽不赴

唐以馮道趙鳳為端明殿學士

唐主目不知書四方奏事皆令安重誨讀之重誨亦  
不能盡通乃奏請選文學之臣與之共事以備應對  
乃置端明殿學士以道鳳為之

唐聽郭崇韜歸葬復朱有謙官爵

秋七月唐初令百官轉對

初令百官正衛常朝外五日一赴內殿起居轉對奏

事

契丹攻渤海拔夫餘城

注俱見前

契丹主按巴堅攻渤海拔其夫餘城更名曰東丹國

命其長子托允

舊作突欲今改

鎮之號人皇王次子德光

字德

謹宋白曰

本名耀梁芝後改焉

守西樓號元帥太子

按耀梁芝舊作耀屈之今改

唐遣供奉官姚坤如契丹

唐遣姚坤告哀于契丹契丹主阿保機聞莊宗遇害



慟哭曰我朝定兒也朝定猶華言朋友也謂坤曰今天子聞洛陽有急何不救對曰地遠不能及曰何故自立坤為言其由契丹主曰漢兒喜飾說母多談又曰聞吾兒專好聲色遊畋不恤軍民宜其及此我自聞之舉家不飲酒散遣伶人解縱鷹犬若欲效吾兒所為行自亡矣又曰我于今天子無怨足以修好若與我大河之北吾不復南浸矣坤曰此非使臣之所得專也契丹主怒囚之旬餘復召之曰河北恐難得

得真定幽州亦可也給紙筆趣令為狀坤不可欲殺之韓延徽諫乃復囚之

唐豆盧革韋說罷

革說奏事唐主前禮貌不盡恭百官俸錢皆折估而革父子獨受實錢說以孫為子奏官選人賂除近官中旨以蕭希甫

宋州人

為諫議大夫革說覆奏希甫

恨之上疏言革說不忠前朝並誣革他罪制罷革說

擢希甫為散騎常侍

後革說皆流遠州見殺

契丹主按巴堅殂

綱目書元今依南北朝魏太宗例改書殂其景宗以後以宋為統仍依綱

目東晉魏太祖續綱目南宋金元例書卒

按巴堅卒于夫餘城舒嚕后召諸酋長妻謂曰我今寡居汝不可不效我又集其夫泣問曰汝思先帝乎對曰受先帝恩豈得不思曰果思之宜往見之遂殺之

八月乙酉朔日食

唐平盧軍亂討平之

平盧軍校王公儼作亂討斬之并誅其黨支使

唐節度採訪

訪等使幕僚有韓叔嗣

青州北海人

預焉其子熙載

字叔言

將奔吳密告其友李穀

字惟珍汝陰人

曰吳若用吾為相當

長驅以定中原穀笑曰中原若用吾為相取吳如囊

中物耳

九月契丹德光立

契丹舒嚕后愛中子德光欲立之至西樓命與托允俱乘馬立帳前謂諸酋長曰二子皆愛之莫知所立

汝曹擇可立者執其轡荀長知其意爭執德光轡后  
曰衆之所欲吾安敢違遂立之為天皇王托允愠欲  
奔唐后遣歸東丹德光尊后為太后國事皆決焉太  
后復納其姪為后德光性孝謹母病不食亦不食以

韓延徽為政事令聽姚坤歸唐

契丹英安巴堅于木葉山廟據太祖太后

左右有桀黠者后輒謂曰為我達語于先帝至塞所則殺之前後所殺以百數后後趙思溫當往不肯行  
后曰汝事先帝嘗親近何為不行對曰親近莫如后  
后行臣則繼之后曰吾非不欲從先帝于地下也顧  
嗣子幼弱國家無主不得往耳乃斷一腕令置墓中  
思溫亦得免木葉山考遼史地理志永州有木葉

山上建契丹始祖廟又祖州有祖山太祖陵鑿山為殿足迹太祖葬祖山不葬木葉山也與五代史不同今一統志木葉山在克什克騰旗北蒙古名濟吉溫都爾達太祖陵在巴林旗北廢祖州界趙思溫字文吳平州盧龍人

冬十月王延翰字稱閩王

延翰驕淫殘暴自稱大閩國王宮殿百官皆放天子之制

契丹盧龍節度使盧文進奔唐

文進為契丹守平州唐主遣人說之以易代之後無

復嫌怨文進所部皆華人思歸乃卽其衆十萬歸唐  
唐以趙季良為三川制置轉運使李嚴為西川都監  
初郭崇韜率蜀中富民轉犒賞錢五百萬緡給軍之  
餘猶二百萬緡至是任圜判三司知成都富饒遣季  
良為三川都制置轉運使蜀人欲皆不與知祥曰府  
庫他人所聚輸之可也州縣租稅以贍鎮兵決不可  
得季良但發庫物不敢復言制置轉運職事安重誨  
以知祥及東川節度使董璋皆據險擁兵又知祥乃

莊宗近姻陰欲圖之李嚴自請為西川監軍嚴母謂  
曰汝前啓滅蜀之謀今日再往必以死報蜀人矣已  
而嚴果為知祥所殺

知祥見嚴威陳兵甲謂曰公前奉使王衍歸而請兵伐蜀莊宗

用公言遂致兩國俱亡今公復來蜀人懼矣且天下皆廢監軍公獨來監吾軍何也嚴惶懼求哀知祥曰衆怒不可遏也因揖下斬之而誣奏以他罪初知祥至蜀蜀中羣盜猶未息知祥遣趙廷隱張業討定之擇廉吏使治州縣蜀除橫賊安集流散與民更始已而增置營兵修葺城垣因有據蜀之志以趙季良與之有舊遂奏留之唐主不得已以季良為西川節度副使季良亦歸蜀知祥以為觀察推官推官後唐置與判官俱為幕職



十二月閩王延稟殺其君延翰而立其弟延鈞

延翰蔑棄兄弟出延鈞為泉州刺史延翰多取民女以充後庭延鈞上書極諫由是有隙審知養子延稟為建州刺史延翰使之采擇延稟復書不遜亦有隙于是合兵襲福州延稟先至梯城而入延翰驚匿延稟執之暴其罪惡斬于門外延鈞至延稟納之推為威武留後唐以為節度使尋封閩王

唐以其子從榮為天榮節度使

丁後唐天成二年吳乾貞

春正月唐主更名亶

亥元年是歲凡四國三鎮

初唐主詔朕二名不連稱者勿避至是乃改名

唐以馮道崔協

齊州人邵之曾孫

同平章事

安重誨以孔循少侍宮禁謂其諳練故事知朝士行能多聽其言時議置相循已薦鄭珣又薦崔協而任園欲用李琪珣素惡琪由是循力沮之他日議于唐主前園曰重誨未悉朝中人物為人所賣協雖名家識字甚少臣既以不學忝相位奈何更益以協為天

下笑乎唐主曰宰相重任卿輩審之吾在河東時見  
馮書記多才博學與物無競此可相矣既退循不揖  
拂衣去因稱疾不朝者數日重誨謂圜曰今方乏人  
協且備員可乎圜曰明公捨李琪而相崔協是猶棄  
蘓合之丸出大秦國煎衆香為之取蝘蝓之轉黑甲蟲一名蝘娘搏蝨為丸如  
轉車也循與重誨日短珙而譽協竟以道協同平章  
事

唐主以其子從厚為河南尹判六軍諸衛事

從厚從榮之弟也從榮聞之不悅

二月唐郭從謙伏誅夷其族

唐以郭從謙為景州刺史既至遣使族誅之

三月唐鄴都軍亂討平之

初莊宗之克梁也以魏州牙兵之力及其亡也皇甫

暉張破敗之亂亦由之趙在禮之徙義成不之官亦

實為其下所制在禮自謀脫禍陰求移鎮唐主乃謂

之除皇甫暉陳州趙進貝州刺史徙在禮為橫海節

春秋以趙盾不討賊則直筆書之詞源之于從謙抑又甚矣方其入洛陽也軍威其盛于誅一從謙何有必遲之十月之久始請而族之手蓋其初固無殺之之心久而害已度世知為清議所不容姑藉此以塞訪耳不然

何不盡作其絃  
送之罪且先之  
以寵秋郭胡宣  
乃疑為長其患  
而難圖惜其不  
及時以取悅不  
但不識事機亦  
實無當于南華  
之義也  
亂兵雖法所必  
懲然準魁裔從  
自當稍分輕重  
况九指揮之變  
由于知溫誘計  
按其成使眾殺  
之罪亦應部曲

度使以皇子從榮鎮鄴都命范延光

字子環相州臨漳人

將兵

送之且制置鄴都軍事乃出奉節等九指揮三千五

百人使軍校龍旺部之戍盧臺軍

唐置今為鎮在順天府寧河縣東南

不給鎧仗但繫幟于長竿以別隊伍由是皆俛首而

去中途聞孟知祥殺李嚴軍中籍籍已有訛言既至

會朝廷擢烏震

信都人

為副招討使代房知溫知溫怒

震誘龍旺所部兵殺之其眾譟于營外馬軍指揮使

安審通脫身濟河知溫恐事不濟亦走渡河與審通

及身而止何至  
望戮萬人而于  
首亂之知溫雖  
置不問失刑其  
矣

合謀擊亂兵亂兵列炬宵行疲于荒澤詰朝騎兵四  
合擊之亂兵始盡四月救盧臺亂兵在營家屬並全  
門處斬鄴都合九指揮之門驅三千五百家凡萬餘  
人悉斬之永濟渠

即今衛河  
注見前

為之變赤朝廷雖知知

溫首亂欲安反側詔加侍中

夏五月荆南自附于吳吳人不受

初唐魏王繼岌破蜀遣押牙韓瑛等部送蜀珍貨四  
十萬浮江而下高季興殺而掠之唐主既立遣使詰

問對曰欲知覆溺之故宜自按問水神唐主怒會季

興襲據夔州

季興先請夔忠萬三州為屬郡唐主許之又請自除刺史不許季興輒遣兵突

入夔州據之

乃削季興官爵以劉訓為招討使討之會久

雨糧道不繼軍士疾疫乃詔訓引兵還至是楚王殷

遣使人貢唐主賜之駿馬十美女二過江陵季興復

奪之而自附于吳徐溫曰為國者當務實效而去虛

名洛陽去江陵不遠唐人步騎襲之甚易我以舟師

汭流救之甚難夫臣人而不能救使之危亡能無愧

乎乃受其貢物辭其稱臣

已而唐取夔忠萬三州季興復請稱藩于吳吳進季

興泰

王

# 六月唐任圜罷

任圜性剛急勇于敢為權倖多疾之舊制館券

猶今助舍

出于戶部安重誨請從內出與圜爭于唐主前聲色

俱厲唐主退朝宮人曰妾在長安宮中未嘗見宰相

樞密奏事敢如是者蓋輕大家耳唐主不悅卒從重

誨議圜因求罷居磁州



唐以馬殷為楚國王

殷始建國立宮殿置百官以姚彥章

汝南人

許德勳為

丞相

秋八月己卯朔日食

九月契丹與唐修好

冬十月唐主如汴州宣武節度使朱守殷反唐主遣兵討之遂遣使殺任圜守殷自殺

唐主如汴州至滎陽民間訛言帝欲制置東方諸侯

宣武節度使朱守殷疑懼判官孫晟

高密人

勸守殷反

守殷遂乘城拒守唐主遣范延光往諭之延光曰不早擊之則汴城堅矣願得五百騎與俱從之延光暮發未明行二百里抵大梁城下與汴人戰御營使石敬瑭將親軍倍道繼之或謂安重誨曰失職在外之人乘賊未破或能為患不如除之重誨奏遣使賜任圜死趙鳳哭謂重誨曰任圜義士安肯為逆公濫刑如此何以贊國使至圜聚族酣飲然後死神情不撓

唐主至大梁守殷自殺乘城者望見乘輿相帥開門

降

孫晟奔吳徐知誥客之

唐免三司逋員二百萬緡

吳丞相徐溫卒

初溫子行軍司馬知詢以其兄知誥非徐氏子數請代之執吳政溫曰汝不知也嚴可求及副使徐玠屢勸溫溫以知誥孝謹不忍可求等言之不已溫欲帥諸藩鎮入朝勸吳王稱帝將行有疾乃遣知詢奉表

勸進因留代知誥執政未果溫卒知詢亟歸金陵

王 吳

贈溫齊王

諡曰忠武

十一月吳王楊溥稱帝

十二月唐以周元豹為光祿卿致仕

初晉陽相者周元豹嘗言唐主貴不可言唐主欲召  
詣闕趙鳳曰元豹言已驗矣無所復詢若竟置之京師  
則輕躁狂險之人必輻輳其門爭問吉凶自古術士  
妄言致人族滅者多矣非所以靖國家也乃就除光

祿卿致仕厚賜金帛而已

有年

是歲蔚代緣邊粟斗不過十錢

戊後唐天成三年漢大有  
子元年是歲凡四國三鎮

春二月丁丑朔日食

吳遣使如唐不受

吳使者至安重誨以為楊溥敢與朝廷抗禮遣使窺  
覷拒而不受自是遂與吳絕

三月唐以孔循為東都留守王建立同平章事

樞密使孔循性狡佞安重誨親信之唐主欲為皇子娶重誨女循謂曰公職居近密不宜復與皇子為昏重誨辭之久之循陰遣人結王德妃求納其女唐主許之重誨大怒出循東都重誨性彊愎惡成德節度使王建立奏其有異志建立入朝因言重誨與宣徽使張延朗結昏相表裏弄威福唐主怒謂重誨曰今與卿一鎮以王建立代卿延朗亦除外官宣徽使朱弘昭

太原人

曰陛下平日待重誨如左右手奈何以小

忿棄之唐主尋召重誨慰撫之會鄭珣請致仕以建  
立為僕射平章事判三司

夏四月唐以子從榮為北都留守

以從榮為北都留守馮翊

太原人

為副留守楊思權

新平

人為步軍都指揮使以佐之唐主謂安重誨曰從榮  
左右有矯宣朕旨令勿接儒生恐溺人志氣者朕以  
從榮年少臨大藩故擇名儒使輔導之今姦人所言  
乃如此欲斬之重誨請嚴戒而已

唐王都反奚契丹助之唐遣招討使王晏球等將兵討破之

義武節度使王都在鎮十餘年自除刺史祖賦皆贍本軍及安重誨用事稍以法制裁之唐主亦以都篡父位惡之時契丹數犯塞朝廷多屯兵于幽易間都陰為之備浸成猜沮腹心和貽訓勸都為自全之計都乃遣人說北面副招討使王晏球晏球不從乃以金遺晏球帳下使圖之不克晏球以都反狀聞詔削



奪官爵以晏球為詔討使發諸道兵討之都以重賂

求救于奚酋托輝五月托輝以萬騎突入定州晏球

退保曲陽

本漢上曲陽唐去上今縣屬定州

都與托輝就攻之晏球

與戰破之因進攻得其西關城以為行府使三州

祁易

定民輸稅供軍食而守之契丹亦發兵救定州與王

都襲破新樂

隋縣今屬正定府

合兵萬餘人至曲陽邀戰晏

球集諸將校令之曰王都輕而驕可一戰擒也今日

乃諸軍報國之時悉去弓矢以短兵擊之回顧者斬

于是騎兵先進奪搃揮劍直衝其陳大破之僵尸蔽  
野契丹死者過半餘衆北走都與托輝得數騎僅免  
盧龍節度使趙德鈞幽州人邀擊契丹北走者殆無  
遺

吳遣使如楚

先是吳浸楚岳州楚擊敗之獲其將苗璘王彥章

此吳

將別一王以歸至是吳求和于楚請璘彥章楚王殷

彥章也

歸之

許德勳餞吳使謂曰楚國雖小舊臣宿將猶在  
願吳朝勿以指橫必使忠駒爭早後然後可用

德勳身為楚臣  
應正辭以發吳  
謀乃為德勳愉  
情于殷不謂之

新國可乎左氏  
多采列國使臣  
詞今此更非失  
言之皆所可竟  
其義者

也時殷多內寵嫡庶無別  
謂子驕奢放德勳指及之

秋七月契丹救定州王晏球擊走之八月擒其將特哩

袞

契丹官名掌治宗族史失其人故但記  
其官按特哩來舊作惕隱今改正

契丹復遣酋長特哩袞救定州晏球逆戰破之追至

易州俘斬溺死者不可勝紀趙德鈞遣牙將武從諫

邀擊之擒特哩袞等數百人餘衆散投村落村人以

挺擊之其得脫者不過數十人自此契丹沮氣不敢

輕犯塞

德鈞獻俘請將皆請誅之唐主曰此皆虜  
中驍將殺之則虜絕望不若存之以紓邊患

乃故特哩哀等五十  
人餘六百 人悉斬之

閏月契丹遣使如唐

九月唐溫韜段凝伏誅

先是韜凝皆流邊郡至是唐主以韜發諸陵凝反覆  
敕所在賜死

冬十一月唐立哀帝廟于曹州

十二月荆南節度使高季興卒

吳立其子從誨

字遵聖季興長子

代之

從誨既襲位請僚佐曰唐近而吳遠捨近

臣遠非計也乃因楚王殷以謝罪于  
唐求復修職貢唐以為荆南節度使

己唐天成四年吳太和中元  
丑年是歲凡四國三鎮

春二月唐王晏球克定州王

都伏誅獲托輝送大梁斬之

定州守備固伺察嚴諸將屢有謀翻城應官兵者皆  
不果唐主遣使者促王晏球攻城晏球與使者連騎  
巡城謂之曰城高峻如此借使主人聽外兵登城亦  
非梯衝所及徒多殺精兵無損于賊不若食三州之  
租愛民養兵以俟之彼必內潰唐主從之王都托輝

欲突圍走不得出定州都指揮使馬讓能開門納官

軍都舉族自焚擒托輝送大梁斬之

晏球在定州城下日以私財饗

士自始攻至克城未嘗戮一卒已而入朝唐主美其功晏球謝久頓匄運而已

三月楚王殷以其子希聲

字若訥殷次子

知政事總諸軍

自是國政先歷希聲乃達于殷

夏四月唐置緣邊市馬場

先是党項詣闕以貢馬為名國家約其直以酌之加以館穀賜與歲費五十餘萬緡至是始于緣邊置場

市馬不令詣闕

唐以子從榮為河南尹從厚為北都留守

先是從榮在北都年少驕狠不親政務唐主遣左右

往諷導之其人謂曰河南相公

謂從厚時為河南尹

孝謹好善

親禮端士有老成之風相公齒長宜自策勵勿令聲

問出河南之下從榮不悅退告楊思權曰我其廢乎

思權因勸從榮多募部曲繕甲兵陰為自固之備遂

懼以告馮贇贇密奏之唐主召思權詣闕亦弗之罪

從榮以剛狠之  
姿親見暴奪之  
事習與姓成已  
難望其遷善矧  
諷導者徒知以  
弟元衡勝使閹  
牆之蒙愈深而  
不軌者并勸以  
繕兵自固致破  
錢之惡益稔異  
日天津橋之船  
行悖逆顯蹈刑

誅皆此數小人  
階之厲也

已贊入為宣徽使謂執政曰從榮剛僻而輕宜選重

德輔之至是唐主以從榮尹河南而以從厚留守北

都

史館修撰張昭遠上言竊見先朝皇弟皇子皆喜  
俳優入則飾姬妾出則誇僕馬習尚如此何道能

賢諸皇子宜精擇師傅令皇子屈身師事之講禮義  
之經論安危之理古者人君即位則建太子所以明  
嫡庶之分塞禍亂之源今卜嗣建儲臣未敢輕議至  
于恩澤賜與之間各矧省侍之際嫡庶長幼宜有所  
分示以等威絕其僥冀唐  
主賞嘆其言而不能用

唐以趙鳳同平章事

唐主問鳳帝王賜人錢券何也對曰與之立誓令其



子孫長享爵祿耳唐主曰先朝受此賜者三人崇韜  
繼麟尋皆族滅朕得脫如毫釐耳因嘆息久之鳳曰  
帝王心存大信因不必刻之金石也

秋八月楚馬希聲殺判官高郁

初楚王殷用都軍判官高郁為謀主國以富彊鄰國

皆疾之

莊宗人洛殷遣其子希範入貢莊宗愛其警敏曰此間馬氏當為高郁所奪今有子如此

郁安能得乏高季興亦屢以流言間郁于殷殷司馬不聽乃遣使遺希聲書盛稱郁功名願為兄弟

楊昭遂希聲之妻族也謀代郁任日譖之于希聲屢

言于殷請誅之殷曰成吾功業皆郁力也汝勿為此

言希聲固請罷其兵柄乃左遷郁行軍司馬郁謂所

親曰亟營西山

長沙西岸  
藏麓諸山

五將歸老荆子漸大能咋

人矣希聲聞之益怒矯以殷命殺郁誣以謀叛并誅

其族黨至暮殷尚未知是日大霧殷謂左右曰吾昔

從孫儒度淮每殺不辜多致茲異馬步院

時諸鎮營  
有馬步司

置獄豈有冤死者乎明日吏以郁死告殷拊膺大慟

曰吾老耄政非已出使吾勲舊橫罹冤酷既而顧左

右曰吾亦何可久處此乎

有年

唐主與馮道從容語及年穀屢登四方無事道曰臣  
昔在先皇幕府奉使中山歷井陘之險臣憂馬蹶執  
轡甚謹幸而無失逮至平路放轡自逸俄至顛隕凡  
為天下者亦猶是也唐主深以為然又問道今歲雖  
豐百姓贍足否道曰農家歲凶則死于流殍歲豐則  
傷于穀賤豐凶皆病者惟農家為然臣記進士聶夷

中詩云二月賣新絲五月糴新穀醫得眼前瘡剗卻  
心頭肉語雖鄙俚曲盡田家情狀農于四民之中最  
為勤苦人主不可不知也唐主悅命左右祿其詩嘗  
諷誦之

九月唐削錢鏐官爵

同光末吳越王鏐以中國喪亂朝命不通改元寶正  
其後復通中國諱而不稱王至是鏐遣安重誨書詞  
甚倨唐遣供奉官烏昭遇韓玫使吳越還致奏昭遇

見鏐稱臣拜舞重誨奏賜昭遇死制鏐以太師致仕  
自餘官爵皆削之凡吳越奏進官使者綱吏令所在  
繫治之鏐令子傳謹等上表訟寃不省

冬十月唐以康福為朔方節度使

前磁州刺史康福善諸戎語唐主退朝多召入便殿  
訪以時事福輒以蕃語對安重誨惡之常戒之曰汝  
但妄奏事會當斬汝福懼求外補會朔方軍亂留後

韓澄

節度使韓洙卒  
弟澄為留後

表請命帥重誨以靈州深入胡

境為帥者多遇害以福為朔方河西節度使福見唐主泣辭唐主命更他鎮重誨不可唐主不得已遣將

軍衛審崱

徐州人

等將兵萬人衛送之

福行至方渠先期出兵邀福福

擊走之至青剛峽遇吐蕃野利大蟲二故數千帳福遣審崱掩擊大敗之殺獲殆盡由是威聲大振遂進至靈州自是朔方始受代方渠漢縣後廢故城在今度遠府環縣青剛峽在環縣北亦曰青剛川趙珣聚米圖經青剛川在環州西北本靈州大路綱目作青銅峽考青銅峽在靈州西若康福至此則已過靈州下不必更言進至矣今依五代史通鑑改正

十二月吳加徐知誥兼中書令

廷望處人骨肉  
之間往來交搆  
其傾險實法所  
不容知誥凱而

吳諸道副都統徐知詢數與知誥爭權知詢典客周  
廷望說知詢捐寶貨結勲舊知詢從之廷望至江都  
因知誥親吏周宗密輸款于知誥亦以知誥陰謀告  
知詢宗謂廷望曰人言侍中有不臣七事宜亟入謝  
廷望還以告知詢十一月知詢入朝知誥留以統軍  
遣徵金陵兵還江都知誥自是始專吳政知詢又以  
廷望所告誥知誥知誥曰以爾所為告我者亦望也遂  
斬之吳加知誥兼中書令

知誥召知詢飲以金鍾酌  
酒賜之曰願弟壽千歲知

謀之頓似能釋  
嫌杜譽者未幾  
而金鍾勳賜又  
誰為之謀而掠  
飲者立見腦滿  
爾時其何顏以  
對知詢乎

詢疑有毒引他器均之跪獻曰願與兄各享五百歲  
知結變色左右莫知所為伶人申新高徑前詆語掠  
二酒合飲之搜金  
鍾趨出腦滿而卒

### 唐以李仁矩為保寧節度使

唐割閬果二州置保寧軍以仁矩為節度使安重誨  
之謀也先是仁矩奉使西川不禮于董璋璋欲殺之

涕泣而免

唐主將祀南郊遣仁矩以詔諭西川獻錢  
仁矩自以唐主舊將又為安重誨所厚恃

恩驕縱至梓州董璋置宴召之日中不至方擁姬酣  
飲璋怒從徒卒執兵入驛立仁矩于階下而詬之曰  
公但聞西川斬李客省謂我獨不能邪仁  
矩流涕拜請僅而得免及還言璋必反至是重誨



使仁矩訶璋反狀仁矩增飾而奏之重誨又使綿州

刺史武虔裕

重誨外兄

將兵赴治復使夏魯奇治遂州城

隍繕甲兵益兵戍之璋大懼時道路傳言又將割綿

龍

唐龍州今四川龍安府是

為節鎮孟知祥亦懼璋素與知祥有

隙未嘗通問至是遣使詣成都請為其子娶知祥女  
知祥許之謀併力以拒朝廷

庚唐長興元年是  
寅歲凡四國三鎮

春正月唐董璋築寨劍門與孟知祥

上表拒命詔慰諭之

董璋遣兵築七寨于劍門孟知祥遣趙季良詣璋修好于是知祥與璋同上表言兩州聞朝廷于閬中建節綿遂益兵無不憂懼唐主以詔書慰諭之

璋恐武  
度裕窺

其所為召而囚之聞集氏兵皆剪髮黥面于劍門北市列烽火知祥累表請雲安鹽監唐主許之雲安後周縣今夔州府雲陽縣是鹽監唐雲安有十三鹽監以收鹽利今雲陽縣西北有雲安鹽故城

三月唐立淑妃曹氏為后

唐主將立曹淑妃為后妃謂王德妃

邠州餅家子

曰吾素

病中煩倦于接對妹代我為之德妃曰中宮敵至尊

誰敢干之乃泣淑妃為后德妃事后恭謹后亦憐之

初妃因安重誨得進常德之

妃有美色先為劉鄩侍兒鄩卒無所歸有言于

安重誨者重誨以告唐主而納之

唐主性儉約及在位久宮中用度

稍侈重誨每規諫妃取外庫錦造地衣重誨切諫引劉后為戒妃由是怨之

夏四月唐河中軍亂逐其節度使李從珂討平之

初唐主在真定李從珂與安重誨飲酒爭言從珂毆重誨既醒悔謝重誨終銜之至是從珂為河中節度

使重誨屢短之唐主不聽重誨乃矯以唐主命諭河中牙內指揮使楊彥溫使逐之從珂出城閱馬彥溫勒兵閉門拒之從珂使人詰之對曰彥溫非敢負恩

受樞院宣

胡三省注樞密院用宣三省用堂帖堂帖謂之省劄宣謂之密劄

請公入

朝耳從珂遣使以聞唐主以問重誨對曰此姦人妄言耳宜速討之唐主疑之欲誘致彥溫訊其事重誨固請發兵擊之乃命西都留守索自通

索姓也

都指揮

使藥彥稠

沙陀三部落人

等將兵討之唐主令彥稠必生致

彥溫吾欲面訊之從珂馳入自明唐主責使歸第絕  
朝請自通拔河中斬彥溫傳首以獻唐主怒彥稠不

生致深責之

重誨諷馮道趙鳳奏從珂失守宜加罪唐主曰吾兒為奸黨所傾未明曲直公

輩遂不欲置之人間何邪且此皆非公輩意也明日重誨自言之唐主曰朕昔為小校家貧賴此小兒拾馬糞自贍以至今日為天子曾不能庇之邪卿欲如何處治于卿為便重誨曰唯陛下裁之唐主曰使聞居私第亦可矣何用復言以索自通鎮河中自通承重誨旨籍軍府甲伏數上之以為從珂私造賴王德妃保護得免士大夫不敢與從珂往來惟禮部郎中呂琦居相近時往見之從珂每有奏請皆咨琦而後行

六月癸巳朔日食

秋七月唐以張延朗為三司使

三司使設官自此始

考唐末始有三司之名天祐三年設都置使尋罷至此始設三

司使專官總筭財賦迨及宋初位亞執政號為計相職任益重

唐立子從榮為秦王從厚為宋王

八月唐兩川節度使董璋孟知祥連兵反

唐遣指揮使姚洪

史無里系

將兵千人從李仁矩戍閬州

董璋以書至洛告其子宮苑使光業曰朝廷割吾支

郡分建旄節又以兵戍之是必欲殺我也汝為我語

樞要若再發一騎入斜谷吾必反與汝訣矣光業以

書示樞密承旨李虔徽未幾安重誨復遣別將苟威

人益兵赴閬璋聞之遂反

重誨既遣威人光業謂虔徽曰此兵未至吾父必反

吾不敢自愛恐煩朝廷調發願止此兵吾父保無利

他虔徽以告重誨重誨不從威人未至璋已反

李彦閻

李仁矩

遂

夏魯奇

三鎮以聞安重誨曰臣久知其

如此陛下含容不討耳唐主曰我不負人人負我則

討之時西川進奏官蘓愿在洛陽遣人白孟知祥云

朝廷欲大發兵討兩川知祥謀于副使趙季良季良請以東川先取遂閬然後併兵守劍門知祥從之遣使約董璋璋引兵擊閬州知祥以指揮使李仁罕趙廷隱張業將兵攻遂州侯弘實

千乘人

孟思恭將兵會

璋攻閬州已而璋陷閬州殺李仁矩執姚洪洪不屈

死之

洪初為小校嘗事璋及是被執璋謂曰我待汝厚汝何相負洪曰老賊爾昔為李七郎家奴掃

馬糞得一醵錢炙感恩無窮今天子用爾為節度使何負于爾而反邪吾能為國家死不從人奴以生璋怒然鑊于前令壯士十人剖其肉而食洪至死罵不絕聲唐主置洪二子于近衛厚給其家

李七郎沐



州富人李讓也入梁曰朱友讓  
璋與高季興孔循皆其家僮

九月唐以范延光為樞密使

安重誨久專大權中外惡之王德妃及武德使孟漢

瓊

本王鎔家奴

浸用事數短重誨于上重誨懼表解機務

求一鎮以全餘生唐主不許重誨請不已唐主怒曰

聽卿去朕不患無人前成德節度使范延光勸留重

誨且曰重誨去誰能代之唐主曰卿豈不可延光謝

不敢當唐主遣漢瓊詣中書議重誨事馮道曰諸公

果愛安令公宜解其樞務為便趙鳳曰公失言乃奏大臣不可輕動以延光為樞密使而重誨如故

唐詔削董璋官爵遣天雄節度使石敬瑭討之

唐下制削董璋官爵興兵討之以孟知祥兼供饋使

知祥雖已遣兵攻遂州唐主猶欲懷輯之以離董璋之交故有是命石敬瑭為招討使

夏魯奇副之

誅董璋之子光業表其族

冬十一月楚王馬殷卒

謚武穆

子希聲嗣

殷遺命諸子兄弟相繼及卒希聲襲位去建國之制

復藩鎮之舊

希聲居喪無戚容葵服之日頓食維靡數餼其臣滿起譏之曰昔阮籍居喪食

燕豚何

代無賢

唐削孟知祥官爵并討之

石敬瑭入散關階州刺史王弘贇

史不祥何所人

瀘州刺史

馮暉

魏州人

與前鋒王思同

幽州人

趙在禮引兵出人頭

山

在保寧府昭化縣西剛目作馬頭山考馬頭山在開中縣東南北去劍門三百餘里今依通鑑改正

後遇劍門之南

元和志劍門南至劍州六十里

還襲劍門克之殺東

川三千人據而守之弘贇等破劍州而大軍不繼乃

焚其廬舍取其資糧還保劍門董璋之陷閬州也將  
趨利州遇雨而還孟知祥聞之曰董公退處閬中遠  
棄劍閣非計也欲遣兵助守劍門璋辭之至是璋遣  
使至成都告急知祥懼曰董公果誤我遣指揮使李  
肇將兵五千赴之戒之曰爾倍道兼行先據劍州北  
軍無能為也又遣趙廷隱將萬人會屯劍州李筠將  
兵四千趣龍州守要害

先是西川牙內指揮使龐福誠謝鏗屯來燕村聞劍門失

守相謂曰使北軍得劍州則二蜀勢危矣遽引步兵千餘人問道趣劍州始至官軍萬餘人自北山天下

會日暮三人謂曰衆寡不敵速明則吾屬無遺矣福  
誠夜引兵數百升北山大譟于官軍營後鎧帥餘衆  
探短兵自其前急擊之官軍大驚空營遁去復保劍  
門十餘日不出知祥聞之喜曰吾始謂弘贊等克劍  
門徑據劍州堅守其城或引兵直趣梓州董公必棄  
閬州奔還我亦須解遂州之圍如此則內外受敵兩  
川震動勢可憂危今焚毀劍州運糧東歸劍門頓兵  
不進吾事濟矣董璋王暉將兵三千會李肇等分屯  
劍州石歇塘攻之不克龐福誠太谷  
人來蘓村亦曰來蘓塞在劍門東

### 契丹東丹王托允奔唐

托允自以失職帥部曲四十人越海奔唐唐賜姓名

曰李贇華以為懷化

唐鎮州軍名  
僑治良鄉之都

慎州

節度使

所

俘特哩袞等皆賜姓名  
特哩袞姓秋名懷忠

十二月唐遣安重誨督征蜀諸軍

石敬瑭征蜀未有功使者自軍前來多言道險狹難  
進兵闕右之民疲于轉餉聚為盜賊唐主憂之謂進  
臣曰誰能辦吾事者吾當自行耳安重誨曰軍威不  
振臣之罪也臣請自往督戰拜辭便行日馳數百里  
西方藩鎮聞之無不惶駭錢帛芻糧晝夜輦運赴利  
州人畜斃踣不可勝紀時唐主已踈重誨石敬瑭本

不欲西征及重誨西出乃敢累表奏論以為蜀不可  
伐唐主頷然之

辛唐長興二年是  
卯歲凡四國三鎮

春正月孟知祥兵陷遂州唐守將夏

魯奇死之

知祥將李仁罕圍遂州夏魯奇嬰城固守及是城陷

魯奇自殺

時石敬瑭屯劍州北山知祥集魯奇首以  
示之魯奇二子在敬瑭軍泣請往取首葬

之敬瑭曰知祥長者必葬而父不猶  
愈于身首異處乎已而知祥果葬之

唐召安重誨還二月石敬瑭引兵遁歸西川兵追之陷

利州

初鳳翔節度使朱弘昭諂事安重誨連得大鎮重誨  
過鳳翔弘昭迎拜馬首館于府舍妻子羅拜奉酒進  
食禮甚謹重誨為弘昭泣言讒人交構幾不免賴主  
上明察得保宗族重誨既去弘昭即奏重誨怨望有  
惡言至行營恐奪敬瑭兵柄又遣敬瑭書言重誨舉  
止孟浪恐將士疑駭宜迎止之敬瑭大懼即上言重  
誨至恐有變宜急徵還宣徽使孟漢瓊自西方還亦



言重誨過惡有詔召重誨還二月朔石敬瑭以遂閭  
既陷運糧不繼燒營北歸重誨至三泉得詔亟歸過  
鳳翔弘昭不內重誨懼馳騎而東西川兵追敬瑭至  
利州昭武節度使李彥琦棄城走知祥以趙廷隱為  
昭武留後廷隱遣使密言于知祥曰董璋多詐必為  
公患因其劍州勞軍請圖之并兩川之衆  
可以得志于天下知祥不許廷  
隱嘆曰不從吾謀禍難未已

### 唐以安重誨為護國節度使

趙鳳言于唐主曰重誨陛下家臣終不叛主但不能

周防為人所讒陛下不察其心重誨死無日矣唐主  
以為朋黨不悅

吳以宋齊邱為右僕射致仕

吳徐知誥欲以宋齊邱為相齊邱自以資望素淺欲

以退讓為高謂歸洪州葬父因入九華山

在池州府青陽縣西

南上有九峯舊名九子山唐李  
白以九峯如蓮花削成因更名

啓求隱居吳主下詔

徵之不至知誥遣其子景通

即景  
改名

入山數諭齊邱始

還除右僕射致仕

三月唐以李從珂為左衛大將軍復錢鏐官爵

唐主既解安重誨樞務乃召李從珂泣謂曰如重誨意汝安德復見吾以為左衛大將軍盡復錢鏐官爵遣使往諭旨以嚮日致仕重誨矯制也

夏四月閩奉國節度使王延稟舉兵襲福州敗死

延稟聞閩王延鈞有疾帥其子建州刺史繼雄使將水

軍襲福州延鈞遣樓船指揮使王仁達

延鈞從子

拒之仁

達偽降繼雄登舟慰撫仁達斬之延稟眾潰追擒

之初延稟既立延鈞

事俱前

將還建州謂延鈞曰善繼

先志母煩老兄再來及是延鈞見之曰果煩老兄再

下延稟慙不能對延鈞斬之

復其姓名曰周彥琛

遣其弟都教

練使延政如建州慰撫吏民

延鈞先度僧二萬餘人由是閩中多僧人好神

仙之術道士陳守元巫者徐彥林與盛輅共誘之作寶皇宮極土木之盛

五月唐以宦者孟漢瓊為宣徽使

時范延光趙延壽

本姓劉恒山人趙德鈞養為子因姓趙尚唐主女興平公主為樞密

使

重誨性復樞權  
久為中外側目  
其因從阿杯酒  
小嫌搆難洩忿  
陰險尤不可測  
而禍機亦伏于  
此且于莊宗親  
屬密謀而盡殺  
之尤為神人所  
憤使繫罪以正

懲安重誨以剛愎得罪每事不敢可否獨漢瓊與王

淑妃居中用事人皆憚之

先是宮中須索稍踰常度重誨輒執奏由是非分之

求殆絕至是漢瓊直以中宮之命取府庫物不復問白樞密院及三司亦無文書所取不可勝紀

唐殺其太子太師致仕安重誨

安重誨內不自安表請致仕閏月制以太子太師致

仕以李從璋

字子良唐主之姪

為護國節度使遣步軍指揮

使藥彥稠將兵趣河中重誨子崇贊崇緒逃奔至重

誨所重誨驚曰汝安得來既而曰此為人所使耳吾

其誅天下非惟  
不以為冤而且  
以為快願舉知  
祥錢鏐諸事以  
實之則非其罪  
矣劉戶諸家不  
于此持論而斤  
斤于既致仕則  
可以無罪并惜  
其不相時而仕  
亂世皆不免拘  
墟之見也

以死殉國夫復何言乃執二子表送詣闕明日有中

使至見重誨慟哭重誨問故中使曰人言令公有異

志朝廷已遣藥彥稠將兵至矣重誨曰吾受國恩死

不足報敢有異志更煩國家發兵貽主之憂罪益加

重矣皇城使翟光鄴

字化基  
鄴城人

素惡重誨唐主遣詣河

中察之曰重誨果有異志則誅之光鄴至從璋以甲

士圍其第自入見重誨拜于庭下重誨驚降階答拜

從璋奮撾擊其首妻張氏驚救亦撾殺之詔以重誨

離間孟知祥董璋錢鏐又誣其欲自擊淮南以圖兵柄遣元隨竊二子歸本道并二子誅之

唐遣二川將吏還諭本鎮

唐主遣西川進奏官蘓原東川軍將劉澄各還本道諭以安重誨專命興兵今已伏辜孟知祥遣使告董璋欲與之俱上表謝罪璋怒曰孟公親戚皆完固宜歸附璋已族滅尚何謝為由是復為怨敵

六月唐均田稅

秋九月唐敕解縱五坊鷹隼

敕解縱鷹隼內外無得更進馮道曰陛下可謂仁及  
鳥獸唐主曰不然朕昔嘗從武皇獵時秋稼方熟有  
獸逸入田中遣騎取之比及得獸餘稼無幾以是思  
之獵有損無益故不為耳

冬十一月甲申朔日食

吳以其中書令徐知誥鎮金陵徐景通為司徒輔政  
知誥表請歸老金陵以知誥為鎮海寧國節度使鎮



金陵總錄朝政以其子景通為司徒同平章事知中外左右諸軍事留江都輔政以王令謀宋齊邱為左

右僕射並同平章事兼內樞使以佐景通


知諸作禮  
賢院于府

舍聚圖書延士大夫與孫晟陳覺議時事以國中屢  
災曰兵民困苦吾安可獨樂悉縱遣侍妓取樂器焚  
之陳覺

海陵人



御批歷代通鑑輯覽卷六十七



總校官候補中允臣王燕緒

校對官中書臣江漣

膳錄監生臣申慤